

史记会注考证

史記會注考證

九

司馬遷撰  
日本瀧川資言考證

史記會注考證卷一百六

漢 太 史 令 司 馬 遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

吳王濞列傳第四十六

史記一百六

**案**五宗之國俱享大邦雖復逆亂萌心取汗朝典豈可謂非青社之國哉然淮南猶有後不絕衡山亦其罪差輕比三卿之分晉方暴秦之滅周可不優乎安得黜其王

國不止上同五宗三王列於系家其吳濞請與楚元王同為一篇淮南宜與齊悼惠王為一篇史公自序云維仲之省厥濞王吳遭漢初定以填撫江淮之間作吳王濞列傳第四十六陳仁錫曰吳濞淮南衡山皆王國也而不以世家稱何耶太史公序傳于吳則曰填撫江淮之間於淮南衡山則曰填江淮之南乃三國卒以叛逆誅所謂填撫者安在其不得為世家宜矣曾國藩曰先敘太子爭博鼂錯削地詳致反之由次敘吳詭膠西膠西約五國詳約從之狀次敘下令國中遺書諸侯詳聲勢之大次敘鼂錯給誅袁盎出使詳息兵之策次敘條侯出師鄧都尉獻謀詳破吳之計次敘田祿伯奇道桓將軍疾西詳專智之失六者皆詳矣獨於吳軍之敗不詳敘但於周丘戰勝之時聞吳王敗走而已此亦可悟為文詳略之法

吳王濞者高帝兄劉仲之子也

案濞彭濞字也音披位反

高帝

已定天下七年立劉仲為代王

乃六年之誤說在高紀

而匈奴攻

代劉仲不能堅守棄國亡閒行走雒陽自歸天子

謂獨行從他道逃

走閒音紀閑反

天子為骨肉故不忍致法廢以為郃陽侯

地理志馮翊縣名

在郃水之陽音合郃陽故城在同州河西縣南三十里

高帝十一年秋淮南王英布反東并

荊地劫其國兵西度淮擊楚高帝自將往誅之劉仲子沛侯

濞年二十有氣力以騎將從破布軍斬西會甄布走

地名也在蕪縣之西會音古兌反甄音鍾 荆王劉賈為布所殺無後上患吳會稽輕悍

無壯王以填之吳郡顧氏炎武據之故日知錄三十一引錢康功云吳王濞傳上

患吳會輕悍今本史漢竝作吳會稽不知順帝時始分二郡漢書安得言吳會稽當是錢所見本未誤後人妄增之因歷舉吳會二字作證余竊以為不然漢書高紀六年以故東

陽郡鄆郡吳郡五十三縣立劉賈為荆王又功臣表傳陽侯周聚以定吳郡封灌嬰傳破吳郡長吳下遂定吳豫章會稽郡是會稽之外有吳郡矣蓋楚漢之際諸侯分王其地各

自立郡非秦之舊漢初猶仍其故名稱之劉放于高紀亦據順帝分吳之事以紀文為不可曉亦何不可曉之有 諸子少乃立濞於沛

為吳王王三郡五十三城徐廣曰十二年十月辛丑宋祁曰故東陽郡鄆郡吳郡即賈舊封梁玉繩曰高帝封

濞以劉賈故地實東陽鄆吳會稽四郡高紀濞傳言三郡者以吳包會稽也五行志及伍被傳言四郡者兼會稽而實數之也 已拜受印高帝

召濞相之謂曰若狀有反相心獨悔業已拜因拊其背告曰

漢後五十年、東南有亂者。豈若邪。然天下同姓為一家也。慎

無反。漚頓首曰：不敢。應劭曰：克期五十，占者所知。若秦始皇東巡以厭氣，後劉

項起東南，疑當如此耳。如淳曰：度其貯積，足用為難。又吳楚世不賓服，案應氏之意，以後五十年，東南有亂，本是占氣者所說。高祖素聞此說，自以前難未弭，恐後災更生。

故說此言，更以戒漚。如淳之說，亦合事理。拊，音撫。洪亮吉曰：五十年者，約略之詞。自是年至景帝三年漚反，實四十二年。徐廣乃自漢元年數之，以足五十之數，非也。愚按

此後人附會之說，不必問年數。漢書高紀漚傳，同姓下無為字。 會孝惠高后時，天下初定，郡國諸侯

各務自拊循其民。吳有豫章郡銅山。鄣郡後改曰故鄣，或稱豫章為衍

字也。括地志云：秦兼天下，以為鄣郡。今湖州長城縣西南八十里，故章城是也。銅山，今宣州及潤州句容縣有，並屬章也。梁玉繩曰：案索隱謂豫為衍字，章昭漢書

注云：有豫字誤，但言鄣郡，蓋是已。章為鄣字之省，下文削吳之豫章郡，削吳會稽豫章書至，並鄣郡之譌。灌嬰傳：定吳豫章會稽郡，亦當作鄣也。地理志曰：吳東有章山之銅，又曰

丹陽故鄣郡有銅官，若豫章為淮南厲王封城，且無銅山也。沈欽韓曰：寰宇記：大銅山在揚州江都縣西七十二里。吳王漚即山鑄錢處。 漚則招致天

下亡命者，益鑄錢，煮海水為鹽，以故無賦，國用富饒。淳曰：鑄錢如

羨鹽收其利以足國用故無賦於民按既盜鑄錢何以收其利足國之用吳國之民又何得無賦如說非也言吳國山既出銅民多盜鑄錢及煮海水為鹽以山海之利不賦之故言無賦也其民無賦國用乃富饒也正義本楓三本益作盜與漢書合王念孫曰益鑄錢當依正義作盜鑄錢文選注引此益作盜中井積德曰鹽銅之利國用既給有餘不須收口賦於平民是可知役於鹽銅者皆亡命無賴者非平民也吳王所以招致

孝文時吳太子入見得侍

皇太子飲博

姚氏案楚漢春秋云吳太子名賢字德明

吳太子師傅皆楚人輕悍

又素驕博爭道不恭皇太子引博局提吳太子殺之

音啼又音提

底又音弟錢大昕曰吳之師傅當是吳人而史稱楚者戰國時吳越地皆併於楚漢初承項羽之後吳會稽皆羽故地故上文云上患吳會稽輕悍此云楚人輕悍吳楚異名其實一也朱買臣吳人而史稱楚士與此傳同顏師古曰提擲也於是遣其喪歸葬至吳吳王愠曰天

下同宗死長安即葬長安何必來葬為

愠於問反怨也顏師古曰愠怒也天

下一家猶言同姓共為一家愚按是承上文高帝言復遣喪之長安葬吳王由此稍失藩臣之

禮稱病不朝京師知其以子故稱病不朝驗問實不病諸吳

使來、輒繫責治之。吳王恐、為謀滋甚。及後使人為秋請、應劭

曰、冬當斷獄、秋先請擇其輕重也、孟康曰、律、春曰朝、秋曰請、如古諸侯朝聘也、如淳曰、淳不得行、使人代己致請禮也、索隱音淨、孟說是也、應劭所云、斷獄先請、不知何憑、如淳

云、代己致請、亦是臆說、且文云、使人為秋請、謂使人為此秋請之禮也、釋文中井積德曰、親行、遣使、皆謂請也、但據文義、遣使為本義、如奉請、則親行也、宜逐文解焉、上

復責問吳使者。使者對曰。王實不病。漢繫治使者數輩。以故

遂稱病。且夫察見淵中魚不祥。集解張晏曰、喻人君不當見盡下之私、索隱案此語見韓子及文子、韋昭曰、知

臣下陰私、使憂患生變為不祥、故當赦宥使自新也、考證沈欽韓曰、列子說符、趙文子曰、周諺有言、察見淵中魚者不祥、智料隱匿者有殃、韓非子說林上、隰子曰、古者有諺曰、

知淵中之魚者不祥、今王始詐病、及覺見責急、愈益閉、恐上誅之、計乃無

聊。唯上弃之、而與更始。義顏師古曰、更始、赦其已往之事、陳子龍曰、使者言、王先謙曰、閉、閉匿不來往、愚按、無聊、愁悶之

黃老術也、與文帝所見略同、故其說得行、於是天子乃赦吳使者歸之、而賜吳王几杖、

老不朝。吳得釋其罪、謀亦益解。釋文楓、三本、乃作、皆無罪字、與漢書合、然其居國以



銅鹽故、百姓無賦、

按吳國有鑄錢

中井積德曰賦謂口賦錢與賦稅徭役沒干涉注添

一徭字、便舛、

卒踐更、輒與平賈。

漢書音義曰以當為更卒出錢三百文謂之踐更吳王欲得民心為卒

雇者其庸隨時月與平賈如漢桓靈時有所興作以少府錢借民比也案漢律卒

更有三踐更居更過更也此言踐更輒與平賈者謂為踐更合自出錢今王欲得人心乃

與平賈官讎之也踐更若今唱更行更者也言民自著卒更有三品有卒更有踐

更有過更古者正卒無常人皆當迭為之是為卒更貧者欲雇更錢者次直者出錢雇之

月二千是為踐更天下人皆直戌邊三月亦各為更律所謂繇戌也雖丞相子亦在戌邊

之調不可人人自行三月戌又行者出錢三百入官官給戌者是為過更此漢初因秦法

而行之後改為繇乃戌邊一歲見史郭解傳平賈見漢書溝洫志可併案宋

祁曰卒踐更輒與平賈謂卒踐更皆得庸直也溝洫志蘇林注云平賈以錢取人為卒顧

其時雇之平賈中井積德曰平賈猶時價也集解三百文者徭戌三日之雇錢耳難以擬  
踐更之價蓋本無定數隨時而盈縮故云平賈也是平常官府之廝役已邊戌之法非此  
之義愚按漢書與歲時存問茂材賞賜閭里茂材者有美材之人也  
佗郡國吏欲來捕亡人者訟共禁弗予如淳曰訟公也如此者四十餘

年。以故能使其衆。

正義言四十餘年者太史公盡言吳王一代行事也漢書作三十餘年而斑固見其語在孝文之代乃減十年是斑固

不曉其理也  
考論梁玉繩曰當依漢書三十餘年爲是下文漚亦自言三十餘年也

鼂錯爲太子家令得幸太子數

從容言吳過可削數上書說孝文帝文帝寬不忍罰以此吳

日益橫。

考論楓三本漢書吳下日上有王字

及孝景帝卽位錯爲御史大夫。

考論楓三

本位下有龜字

說上曰昔高帝初定天下昆弟少諸子弱大封同姓

故王擊子悼惠王王齊七十餘城。

考論顏師古曰擊亦庶也李笠曰擊上衍王字當依漢書刪

庶

弟元王王楚四十餘城。

考論楚元王傳高紀俱云王三十六城

兄子漚王吳五十餘

城封三庶擊分天下半今吳王前有太子之鄴詐稱病不朝

於古法當誅文帝弗忍因賜几杖德至厚當改過自新乃益

驕溢卽山鑄錢煮海水爲鹽誘天下亡人謀作亂。

案山山名又卽

者就也。後說今削之亦反，不削之亦反。削之其反亟，禍小。

不削，反遲，禍大。三年冬，楚王朝。鼂錯因言，楚王戊，往年為薄

太后服，私姦服舍，請誅之。服舍在喪次，而私姦宮中也。

宮中也。詔赦，罰削東海郡。因削吳之豫章郡、會稽郡。及前一年

趙王有罪，削其河間郡。案漢書作常山郡也。梁玉繩曰：元

子德封國。膠西王卬以賣爵有姦，削其六縣。漢廷臣方議削吳。

趙翼曰：是時廷臣所議削者，即豫章會稽也。故下文云：及削豫章會稽書至，吳王

遂反。今先云削吳之豫章會稽，下又云議削吳，是又於二郡外再議削矣。則下文所謂及

削豫章會稽書至者，又何說耶？中井積德曰：漢廷方議句，是舉初之語，與上文削吳句自

無礙。馮班曰：當時處心積慮而反者，只一吳耳。諸侯王無與也。宜先施恩慰安之，使人

自保，則吳人無黨，欲反不能獨舉。吳乃可滅。吳亡，則七

國在掌握矣。先削楚趙膠西何邪？是動天下之兵也。

吳王濞恐削地無已，因以此發謀，欲舉事。念諸侯無足與計謀者，聞膠西王勇好

氣喜兵、諸齊皆憚畏、案韋昭曰、故為齊、分為國者、膠東濟北之屬、於是乃使中大夫應

高詭膠西王。案詭、音徒烏反、詭、說文、詭相呼誘也、無文書、口報曰。吳王不

肖、有宿夕之憂。不敢自外、使喻其驩心。意、漢書作夙夜、義異、驩、言

無他心也、漢書作使使臣諭其愚心、王曰。何以教之。高曰。今者主上興於姦、飾於邪

臣、好小善、聽讒賊、案飾於邪臣、言被邪臣裝飾、岡白駒曰、言以邪臣所矯飾為真也、漢書興於姦以下十字、改作任用邪臣、

擅變更律令、侵奪諸侯之地、徵求滋多、誅罰良善、日以益甚。

里語有之、舐糠及米。案言舐糠盡則至米、謂削土盡則至滅國也、

吳與膠西、知名諸侯也。一時見察、恐不得安肆矣。案肆、放縱也、吳

王身有內病、不能朝請二十餘年。案漢書、病作疾、內疾、謂在身中不顯於外、嘗

患見疑、無以自白。案漢書嘗作常、今脅肩累足、猶懼不見釋。

**正義** 脅，斂也，竦體也，累，重足也。  
**考證** 顏師古曰：脅，肩累足，言懼耳。  
竊聞大王以爵事有適。  
**正義** 張革  
反、**考證** 適

責也，漢書作過。  
所聞諸侯，削地罪不至此。此恐不得削地而已。  
**考證** 得特

通，漢書作止。  
王曰：然有之。子將柰何。高曰：同惡相助，同好相留，同

情相成，同欲相趨，同利相死。  
**考證** 惡助，好留，情成，欲趨，利死，同韻，趨讀若促，六韜武韜發啓篇，同病相救，同情相成。

同惡相助，同好相趨，文子自然篇，同利者相死，同情者相成，同行者相助，淮南子兵略訓，同利相死，同情相成，同欲相助，蓋古有是語，應高引之也，漢書相成作相求，恐非。

今吳王自以為與大王同憂，願因時循理，弃軀以除患害於

天下，億亦可乎。  
**考證** 漢書億作意，億意通用度也，不必讀為抑。  
王瞿然駭曰：寡人何敢如

是。今主上雖急，固有死耳，安得不戴。  
**考證** 劉氏，瞿，音九具反，又說文云：瞿，遠視貌，音九縛反。  
瞿

音句，**考證** 瞿然，驚張目也，急急迫也，漢書戴作事，意同。  
高曰：御史大夫鼂錯，熒惑天子，侵奪諸

侯，蔽忠塞賢，朝廷疾怨，諸侯皆有倍畔之意，人事極矣。彗星

出、蝗蟲數起。此萬世一時、而愁勞聖人之所以起也。案所謂殷憂

以啓明聖也、而孔文祥曰、按愁勞則有聖人也、考索隱是、故吳王欲內以鼂錯爲討、外隨大王

後車、彷徨天下。彷徨、猶依倚也、漢書作方洋、師古曰、方洋、猶翱翔也、所鄉者降、所指者下、

天下莫敢不服。大王誠幸而許之一言、則吳王率楚王、略函

谷關、守滎陽、敖倉之粟、距漢兵、治次舍、須大王。大王有幸而

臨之、則天下可并。兩主分割、不亦可乎。顏師古曰、次舍、息止之處也、須、待也、王念孫曰、有

讀爲王曰。善。高歸報吳王。吳王猶恐其不與、乃身自爲使、使

於膠西、面結之。漢書、與作果、結作約、楓三本、結下有約字、膠西羣臣或聞王謀、諫曰、

承一帝、至樂也。今大王與吳西鄉、第令事成、兩主分爭、患乃

始結。漢書、第令作假、諸侯之地、不足爲漢郡什二。而爲畔

逆以憂太后，非長策也。

集解文穎曰：王之太后也。

王弗聽，遂發使約齊、菑

川、膠、東、濟南、濟北，皆許諾。

考證漢書無濟北二字，趙翼曰：史記謂膠西來約同反時，齊、濟北皆許諾，從其實也。漢書獨無濟

北，則以其未成反，而遂不列於約反之內，則齊王不惟不反，且有堅守之功，何以列於從反之約乎？漢書非。

而曰：城陽景王有義。

攻諸呂，勿與事，定分之耳。

集解徐廣曰：爾時城陽恭王喜，景王之子。考證慶長本標記引陸氏云：劉章謀諸呂於國

有恩義，勿令與事，天下平定，與分其城也。

諸侯既新削罰，振恐多怨，鼂錯及削吳會稽

豫章郡書至，則吳王先起兵。膠西正月丙午，誅漢吏二千石

以下，膠東、菑川、濟南、楚、趙亦然，遂發兵西。

正義言膠西同吳王先起兵。考證梁玉繩曰：漢

傳刪去正月丙午四字，而移膠西于膠東之上，當是也。不然則似膠西誅漢吏矣。但下文言正月甲子，吳初起兵于廣陵，則正月不得丙午，倪本作戊午，是蓋甲子前六日也。張文

虎曰：孝景本紀三年正月乙巳赦天下，與此先後一日。

齊王後悔，飲藥自殺，畔約。

考證此時齊但城守，聞欒布破三

國兵，後欲移兵伐之，乃懼而自殺。漢書改作齊王後悔，背約城守，是沈家本曰：飲藥自殺四字衍。

濟北王城壞未完，其郎中

令劫守其王，不得發兵。膠西為渠率。膠東、菑川、濟南共攻圍

臨菑。考率帥同。下添與字看。漢書作膠西王膠東王為渠率。趙翼曰：膠西聽吳王之謀，使人約諸王反，則主兵者膠西也。漢書增膠東為主謀，非也。中井積德曰：下

文云：三王圍齊而獨不數。趙王遂亦反，陰使匈奴與連兵。七國之發

也。吳王悉其士卒，下令國中曰：寡人年六十二，身自將。果

曰：吳王封吳四十二年矣。少子年十四，亦為士卒先。諸年上與寡人比，下與

少子等者，皆發。發二十餘萬人。南使閩越、東越、東越亦發兵

從。孝景帝三年正月甲子，初起兵於廣陵。都吳。吳王移廣陵也。

張文虎曰：顓頊術癸未朔，殷術甲申朔，無甲子。景紀書二月壬子晦，日有蝕之。年前無閏，不知何以致誤。然二月壬子晦，則正月有戊午甲子，而無乙巳丙午矣。楓三本，三

年上有前字。西涉淮，因并楚兵。發使遺諸侯書曰：吳王劉濞敬問膠

西王、膠東王、菑川王、濟南王、趙王、楚王、淮南王、衡山王、廬江



王故長沙王子。

案如淳曰吳芮後四世無子國除庶子二人為列侯不得嗣王志

將不滿故誘與之反也

幸教寡人以漢有賊臣無功天下侵奪諸侯地使

吏劾繫訊治以僂辱之為故

漢書音義曰故事也按專以僂辱諸侯為事寡人下以字管到下

文欲舉兵誅之六十九字承以謹聞教三字漢書賊臣下有錯字

不以諸侯人君禮遇劉氏骨肉絕先

帝功臣進任姦宄誑亂天下欲危社稷

誑音挂

陛下多病志

失不能省察欲舉兵誅之

失佚通漢書作逸

謹聞教敝國雖狹地方

三千里人雖少精兵可具五十萬

書人下有民字

寡人素事

南越三十餘年其王君皆不辭分其卒以隨寡人又可得三

十餘萬

有士字顏師古曰諸君謂其會豪

寡人雖不肖願以身從諸

王越直長沙者

直音值漢書越上有南字直當也

因王子定長